

甲子歲次癸卯仲秋
萬國堂主書於大禪師李尊定大般圓通寺住持
一大般般若經事全
法界無緣子生難遇此何善種人中華業由是發心先小兒妙本信足
四百二十載有清同治五年
望林二年庚午之卯八月

題

宗鏡錄卷第七十五

惠五

慧日永明寺主智覺禪師 延壽集

夫摠別二報障於八識中定屬何識 答古
釋云摠報唯屬第八識者以第八最初生起
其前七色心等皆依他第八方生即第八能
通與前七色心等爲所依得名摠報別報唯

元之

在前六識受報各別不同名爲別報若摠報
定不通今世順現受唯是順生來世受若別
報即不定通今世來世皆受不遮又問第七
識何不辨報障答非是業招故無報障又若
有報障而無業障即第八識若具有業報二
障即前六識若業報二障俱無即第七識又

若唯有別報障無摠報障者即前六識若唯
有摠報障無別報障者即第八識 問衆生
造生死染淨二業受苦樂兩報皆從心起則
離心無體於八識內定是何心 答今古有
二解一古師解云是第六識心由識心分別
作業受報報起由心故知無有實衆生也以
心淨故衆生淨無有別淨心垢故衆生垢無
有別垢以垢淨由心得衆生但名耳二神錯
和尚解云心者是第八識由其識內持染淨
種子種子遇緣即能招苦樂兩果果起由心
故知無衆生也若古師取第六識爲垢淨心
爲此六識與善十一相應能造人天善業與
根隨相應能造三塗惡業此摠別業成能招
當來苦樂兩報故言染淨由心也此據造業
者爲心神錯和尚取第八識爲心者此是摠
報主真異熟識識中能含藏善不善業種子
然識體因中唯無覆無記性爲含藏染淨業
種故又言持染淨種子者即三雜染種子一

煩惱雜染即是見修煩惱二業雜染一切善不善摠報業三果雜染即三界摠別報異熟果淨亦三種一世間淨即是伏惑道故二出世間淨謂無漏三所斷果清淨即所證理上來俱是第八含藏業也古師約能熏能造業心名心錯師約所熏能持種名心又古師約緣慮以解心鑑師約集起以解心釋云此之

二解名出一途前以能熏能造爲心若無能熏所熏無用則唯真不立單妄不成真妄和合方有是事又若無能造所造亦不成因能立所故經云一切唯心造後約所熏能持種子爲心所熏是本若無所熏能熏亦無用又

惠五

二

若無能熏種子即善惡種子散壞將何受未來苦樂果報如有物無可盛故即當散失則後解爲勝以是諸識中根本故前解亦不失是枝末故今若雙取正理方圓本末相資能所和合非一非異方立世間染淨之位故知生死由識心無衆生可得昇降屬因緣無實

惠五

圖形狀後填衆彩等然其引業能造之思要是第六意識所起若其滿業能造之思從五識起然五識無執不能發潤故非迷理無推度故不能造業雖造滿業亦非自能但由意引方能作故所以海龍王經云尔時世尊告海龍王猗暨間者作若干緣心行不同罪福各異以是之故所生殊別龍王且觀衆會及大海若干種形顏貌不同是諸形貌皆心所盡又心無色而不可見一切諸法詭詐如是因感興相都無有主隨其所作各自受之譬如今化相皆心所作溫室經云佛言觀彼三

我可得問摠別二報之業如何分別答如持五戒招得人身是摠報業由於因中有瞋忍等於人摠報而有妍媸名別報業唯識亦名爲引滿業能招第八引異熟果故名引業能招第六滿異熟果名爲滿業俱舍論亦云一業引一生多業能圓滿猶如續像先

界天人品類高下長短福德多少皆由先世用心不等是以所受各異不同般若燈論云如阿毗曇中偈云自護身口思及彼攝他者慈法爲種子能得現未果所言思者謂能自調伏遠離非法與此心相應思故名爲思攝他者謂布施愛語教護怖畏者以如是等能攝他故名爲攝他慈者謂心心即名法亦是種子種子者亦名因爲誰因耶謂果之因是何等果謂是現在未來之果云何名心爲種子耶謂能起身口業故名爲種子又如論偈言如芽等相續而從種子生由是而生果離種無相續釋曰此謂從芽生莖乃至枝葉華果等各有其相種子雖滅由起相續展轉至果若離種子芽等相續則無流轉以是故其義云何故論偈言種子有相續從相續有果先種而後果不斷亦不常釋曰云何不斷謂有種子相續住故云何不常謂芽起已種子壞故內法亦余如論偈云如是從初心心法

相續起從是而起果離心無相續釋曰此謂慈心不慈心名爲業此心雖滅而相續起此相續果起者謂愛非愛有受相故若離心者果則不起今當說相續法其義云何故論偈言從心有相續從相續有果故業在果先不斷亦不常釋曰云何不斷謂相續能起果故

云何不常不至第二剎那住故是知三業難防應須密護意爲苦聚口是禍胎但閉門而守津方斷相續如正法念處經云彼地獄地見閻羅人苦切以偈責言心不可調御甚於大猛火速行不可調牽人到地獄心第一難調此火甚於火難調速疾行地獄中地獄若人心自在則行於地獄若人能制心則不受苦惱欲爲第一火癡爲第一闇暝爲第一怨此三秉世間汝前作惡時自心思惟作汝本癡心作今受此惡報心好偷他物竊行他婦女常殺害衆生自心之所誰如是業自在將汝到此處是汝本惡業何故余呻喚又偈云

作惡不失壞一切惡有報惡皆從作得因心故有作由心故作惡由有心果報一切皆心作一切皆因心心能誑衆生將來向惡處此地獄惡處最是苦惡處如上經文此是惡心招苦果若善心招樂果者又云復次比丘知業果報觀髮持天所住之處乃至其地柔軟

惠五

五

猶若生酥天人行時隨足上下如兜羅錦一
一住處足躡隨平亦如前說一一寶樹出妙
色光其光如日光明悅樂妙色金樹華葉常
鮮無有萎落善業所生不可喻說戒力自在
善業所得如印印物如是天子遊戲園林蓮
華浴池自業受報有上中下受大戲樂自業
身相光明可愛色香味觸等恣情悅樂身
無病惱無有飢渴常恣五欲未曾厭足多起
愛欲心不充滿若天憶念隨念所得他不能
破自在無礙心常歡喜隨念能至化身隨心
大小任意廣大輕軟一睂目頃能行至於百
十由旬無少疲極如風行空無所障礙天亦

如是無有疲極天身威德從心而生輕淨無
垢一切行處如意光色天子天女歡喜遊戲
釋曰然雖善惡由心苦樂不等斯乃先明因
果知一念無差若論至道之中俱非解脫如
經云迦留足天乘閒浮擅金殿入天戲林其
林柔軟衆鳥音聲和合美妙天子入已鳥名
天音天同業生天善業故即說偈言若有人
能作愛樂之善業彼人業果報成就極端嚴
既得受天樂若不行放逸從樂得樂處彼必
至涅槃一切樂無常要必終歸盡莫受此天
樂以爲自歡娛此天樂無常壽盡必退沒既
知此法已常求涅槃道一切法皆盡高者亦
當墮和合必有離有命皆歸死又云如是比
丘以聞慧觀天樂已而說頌曰五根常愛樂
欲境所誑惑欲火未曾有須臾聞厭足一一
諸境界處處見天女一切勝境界欲火燄熾
然若合若離散或說或憶念以天女因緣火
起燒天人火法和合有不合則不生若合若

不合欲火常熾然因緣不合故火遠則不然
欲火無遠近常燒愛衆生以意想薪力邪憶
念所使愛油投欲火焚燒愚癡人是以既知
苦樂由心事非究竟應當斷想薪乾愛油止
念風息欲火防制意地惄順真如圓滿菩提
常樂妙果故經偈云若正善心者常順法觀

察不爲過所使如日光除暗又經云寧作心
師不師於心若師心則隨六趣而不返作心
師則冥一道而常歸如庚桑子云心平正不
爲外所誘曰清清而能久則明明而能久則
虛虛則道全而居之所以阿差末經云常正
其心不尚餘學夫心常正直本自玄虛道全
是心心全是道以不達故隨思慮心爲外緣
所拘內結所亂乃令志當歸一不尚餘學虛
明自現返本之稱也如是開示可謂把行人
手直至薩婆若海保不孤然若信受之人可
謂不動塵勞頓成正覺 問識生於身身依
於識諸根壞日識遷離時捨此故身別受餘

質去來之識相狀如何斯旨難明舉世皆惑
如寶處藏莫有知者 答此理綿密約教可
知顯識經云佛告賢護識之運轉還滅往來
猶如風大無色無形不可顯現而能發動萬
物示衆形狀或搖振林木摧折破裂出大音
聲或爲火爲熱觸衆生身作苦作樂風無手

惠五

六

足面目形容亦無黑白黃赤諸色賢護識界
亦余無色無形無光明顯現以因緣故顯示
種種功用殊異當知受覺法界亦復如是無
色無形以因緣故顯發功用賢護衆生死此
受覺法界識界皆捨離身識運受覺法界受
餘身者譬如風大吹衆妙華華住於此香流
至遠風體不取妙華之香香體風體及與身
根俱無形色而非風力香不遠至賢護衆生
身死識持受覺法界以至他生因父母緣而
識託之受覺法界能隨於識亦復如是如從
華勝力而鼻有賴從賴勝力而得香境又如
從風身勝力得風色觸因風勝力香得至遠

如是從識有受從受有覺從覺有法遂能了知善與不善乃至識之遷身如面之像現之於鏡如印之文顯之於泥譬如日出光之所及衆暗咸除日沒光謝暗便如故暗無形質非常無常能得其處識亦如是無質無形因受想顯識在於身如暗無體視不可見不可

執持如母懷子不能自知是男是女黑白黃色根具不具手足耳目類與不類飲食熟糲其子便動覺知苦痛衆生來去屈申視睂語笑談說擔運負重作諸事業識相具顯而不能知所在止於身中不知其狀賢護識之自性偏入諸處不爲諸處之所染汙六根六境

惠五

七

五煩惱陰識偏止之不爲其染由此而顯識之事用賢護如木機關繫執一所作種種業或行走騰躍或跳擲戲舞於意云何機關所作是誰之力賢護白佛言智慧狹淺非所能了佛告賢護當知皆是作業之力作業無形但智運耳如是身之機關以識之力作諸事

業仙通乾闢婆龍神人天阿脩羅等種種趣業咸悉依之識能生身如工作機關識無形質普持法界智力具足乃至能知宿命之事故知識性是一無住無形但隨智而彰逐念而轉此陰纔滅彼陰便生如印文現之於泥似面像臨之於鏡至於入胎處郊託質現生來去無蹤隱顯非礙猶珠吐照類日傳光火出木中種生地上其體是一用出千差此一識門亦復如是因念力分十二類種之差殊隨業果變無量生死之形質又大乘同性經云毗沙那楞伽王言世尊衆生神識爲當幾大爲作何色佛言楞伽王衆生神識無邊大無色無相不可具無礙無形無定處不可說毗沙那白世尊識相如此無有邊大無色無相不可見無礙無形無定處不可說者豈非斷絕佛言楞伽王吾今問汝隨汝意答當爲汝說楞伽王譬如大王在宮殿中或高樓上綵女圍遶安樂坐時著種種衣及諸瓔

珞時大園林阿輸歌樹種種雜華莊嚴精麗其園在處有細輾風或大駛風吹彼園林阿輸歌樹衆華香氣至王所者王聞之不毗毗沙那白言世尊我聞此香佛言楞伽王汝聞此香分別知不王言世尊我能得知佛言楞伽王此華香氣王言知者見大小耶定作何

色楞伽王言不也世尊何以故此香氣相無色無現無礙無相無定處不可說是故不見大小形色佛言楞伽王於意云何若不見彼香氣大小非斷絕相耶毗沙那言不也世尊何以故若此衆香是斷相者無人得聞佛言如是如是楞伽王識相亦尙應如是見楞

惠五

八

伽王若識斷相則無生死而可得知如是楞伽王識相清淨唯是無明貪愛習氣業等諸客煩惱之所覆障楞伽王譬如意清淨虛空之界唯有四種客塵汙染何等爲四所謂烟雲塵霧楞伽王識相如是本清淨故無邊不可捉無有色染唯是諸客煩惱之所覆染所以

者何楞伽王若正觀時不得衆生無我無衆生無壽命無畜養無人無衆數無知者無見者無覺者無受者無聽者乃至無色受想行識等問外之境色因識分別故名唯識只如夢中無境唯識云何夢中識見種種答顯識經云佛言賢護色有二種一內二外內謂眼識眼則爲外乃至身識爲內身則爲外賢護如生盲人夢見美色手足面目形容姝麗便於夢中生大愛悅及睡覺已冥無所見乃至生盲人未曾見物云何夢中而能見色賢護白佛言唯願開示佛告賢護夢見見者名內眼所是慧分別非肉眼見其肉眼所以

念力故盲者夢中須臾而現復以念力覺而憶之識之內色亦復如是故於所見唯識聞貌嘗觸亦然見有境界但是念慧分別若離念慧分別決定無有前塵毫末之相問識性無形至極微細云何能任持大身人持小質答識性微妙不可思議以隨業故則妍

惠五

九

醜俄分以無形故則小大咸等顯識經云佛言大藥如風大無質無形止於幽谷或竅隙中其出暴猛或摧倒須弥碎爲塵粉風大微妙無質無形識亦如是妙無形色大身小身咸悉能持或受蚊身或受象身乃至如尼瞿陀子極微細種子生樹婆娑廣大枝條百千於意云何其子與樹大小類不大藥言世尊其子與樹大小相懸如藕絲孔比虛空界如是大藥樹於子中求不可得若不因子樹則不生微細尼瞿陀子能生大樹微細之識能生大身識中求身身不可得若除於識身則無有又毗耶婆問經云佛言復次大仙此識微細無色無質非是可見識非有色非青等色色中無根識若離根則無境界若人心中驚動怖畏若疑思量如是一切皆是識力問六趣昇沉皆唯是識初生善惡之趣其相如何答隨福所資果報不等勝福資識則境大劣福資識則相微顯識經云大藥復白佛

言世尊衆生捨身云何生諸天中乃至云何生於地獄等中佛言大藥衆生臨終之時福業資者棄本之視得天妙視以天妙視見欲天爰及六趣見身搖動見天宮殿及歡喜園雜華園等乃至如睡不睡安隱捨壽將捨壽時天父天母同止一坐天母手中自然華出天母見華顧謂天父甚爲福吉希奇勝果天今當知慶子之歡時將不夭天母遂以兩手搖弄其華弄華之時命便終盡無相之識棄捨諸根持諸境業棄捨諸界持諸界事遷變果報猶如乘馬棄一乘一如日愛引光如木生火又如月影現澄清水識資善業遷變天報如脉風移速託華內天父天母同坐視之甘露欲風吹華七日寶瑞嚴身耀動炫爍天童朗潔現天母手大藥白佛言世尊無形之識云何假因緣力而生有形云何有形止因緣內佛言大藥如木和合相觸生火此火木中不可得若除於木亦不得火因緣和合

而生因緣不具火即不生木等之中尋火色相覺不可見然咸見火從木出如是大藥識假父母因緣和合生有形身有形身中求識不得離有形身亦無有識大藥如火未出火相不現亦無燄觸諸相皆無如是大藥若未有身識受想行皆悉不現大藥如見日輪光

明照曜而諸凡夫不見日體是黑是白黃白

黃赤皆不能知但以照熱光明出沒環運諸作用事而知有日識亦如是以諸作用而知有識大藥白佛言云何爲識作用佛言大藥受覺想行思憂苦惱此爲識之作用復有善不善業熏習爲種作用顯識大藥白佛言云

何識離於身便速受身識捨故身新身未受當尔之時識作何相佛言大藥如有丈夫長臂勇健著堅甲胄馬疾如風乘以入陣干戈既交心亂墜馬武藝勁捷還即跳上識棄於身速即受身亦復如是又如怯人見敵怖懼乘馬退走識資善業見天父母同座而坐速

託生彼亦復如是大藥如汝所問識棄故身新身未受當尔之時識作何相大藥譬如人影現於水中無質可取手足面目及諸形狀與人不異體質事業影中皆無無冷無熱及與諸觸亦無疲乏肉段諸大無言音聲苦藥之聲識棄故身新身未受相亦復如是大藥

惠五

十一

是資善業生諸天者大藥白佛言云何識生地獄佛言大藥行惡業者入於地獄汝當諦聽大藥此中衆生積不善根命終之時作如是念我今此身死棄捨父母親知所愛甚大憂苦見諸地獄及見已身應合入者見足在上頭倒向下又見一處地血純見此血已心有味著緣味著心便生地獄腐敗惡水臭穢因力識託其中譬如糞穢臭處臭酪臭酒諸臭因有蟲生其中入地獄者託臭物生亦復如是般若燈論云言從死有相續至生有時如授經如傳燈如行印如鏡像現如空聲響如水中日月影如種子生芽如人見酸口中

生涯如是後陰相續起時無有中陰往來傳此向彼是故智者應如是解故知識託業現境逐心生刃利刀山誰人鍛鍊華含德水非彼開敷辨果知因見末識本故云心能作佛心作衆生心作天堂心作地獄心異則千差競起心平則法界坦然心凡則三毒縈纏心

聖則六通自在心空則一道清淨心有則萬境縱橫如谷應聲語雄而響厲似鏡鑒像形曲而影凹以知萬行由心一切在我內虛外終不實外細內終不鹿善因終值善緣惡行難逃惡境踏雲霞而飲甘露非他所授卧煙焰而噉膾血皆自能爲非天之所生非地之所出只在最初一念致此昇沉欲外安和但內寧靜心虛境寂念起法生水濁波昏潭清月朗修行之要靡出於斯可謂衆妙之門群靈之府昇降之本禍福之原但正自心何疑

別境是以離衆生罪行福行不動行終無三界苦樂果報若離衆生見聞覺知豈有陰處

十二末

一念不生諸緣自斷故云一念心不生六根摠無過又云一心不生萬法無咎如今耽生患老隨思隨造捨妄除身業果恒新若能了生無生知妄無妄一念心寂萬慮俱消如云畏影畏跡逾走逾極端坐樹陰迹滅影沉是知悟心即休更無異術如祖師云一切由心邪正在已不思一物即是本心智者能知更無別行所以本師云此事唯我能知

宗鏡錄卷第七十五

惠五

錯苦駭妍五堅熾赤之猗於離呻失人反舒閨嚮郎達跳徒聊駛疎吏反殊昌未卒也竅吊

界等境界如大般若經云佛言若夢若覺要於見聞覺知法中有覺慧轉由斯起染或復起淨若無見聞覺知法無覺慧轉亦無染淨故知夢覺唯識染淨由心前賢後學之所宗千經萬論之同指如楞伽經偈云衆生及瓶等種種諸形相內外雖不同一切從心起但

反亢隙綺壁也反炫黃練也反煥呼貫宵直姑勁也
居正捷孔載也反捷明也反煥反耗也腐扶兩也反朽厲力制也反蹈徒到也

宗鏡錄卷第七十六

惠六

慧日永明寺主智覺禪師 延壽 集

夫論一期真妄生死約事而言還有終始不
答第一義中尚無生死何有始終順世諦門
中隨衆生見而妄說生死如古德云真妄相
循難窮初後者釋云若言先妄後真真則有

五

始若謂先真後妄妄由何生若妄依真起真
亦非真若妄體即真則妄亦無始爲破始起
立無始言始既不存終從何立無終無始豈
有中間故中論云大聖之所說本際不可得
生死無有始亦復無有終若無有始終中當
云何有是故於此中先後共亦無真妄兩云

方說真妄真妄交徹何定始終 問如上所
說生死惡業無量無邊纔了此心得一切同
時解脫不 答實有此理全在當人若障薄
遮輕直了直入緣深機熟頓悟頓修如鏡淨
明生雲開月朗或垢濃重習觀劣心浮雖信
解一心行門難立有八重妄想之垢猶綈網
稠林具六種繫縛之門若堅冰膠漆若非大
力曷能解分如持地論云妄想有八種一自
性妄想即執色等法各有自體二差別妄想
即執色等有可見不可見對無對色差別三
攝受積聚妄想即於陰中執我衆生於軍林
等中起定執實此一分別即前執人後執於
法四我見妄想無我計我也五我所妄想即
執我用六有念妄想即緣可愛淨境分別七
不忘妄想即緣可增不淨境分別八俱相違
妄想即緣中容境分別約經論有六種縛先
論心境二種縛者一相應縛二所緣縛煩惱
是心心所起必託於心王心所染心名相應